

《佛說無量壽經》 補充講表

◎附表十：

○爾時世尊，諸根悅豫，姿色清淨，光顏巍巍。

悅豫：喜悅，愉快也。以下糅合《佛說無量壽經甄解》

「諸根悅豫，姿色清淨」者，明其總身喜相，「光顏巍巍」，別顯面顏異常。

《無量壽經義疏》云：「喜有兩義：一、念彌陀佛所成行德，可慶故喜；二念眾生得益時

至，故生歡喜。」

○如明鏡淨，影暢表裏。威容顯耀，超絕無量。以下糅合《佛說無量壽經甄解》

表裏者，猶內外。鏡光外照名為「影表」，即同佛身光明外舒，外照之光顯影暢在鏡內名為「影裏」，亦同所放光還曜佛顏，故云：「表裏」。

《大寶積經》·無量壽如來會云：「大德世尊！身色諸根，悉皆清淨。威光赫奕，如融金聚。

又如明鏡，凝照光暉。從昔已來，初未曾見。喜得瞻仰，生希有心。」

○唯然大聖，（以下糅合《佛說無量壽經甄解》）

「唯然」者，順佛敕，敬諾之辭。乃是從上承佛聖旨文來，所見既承佛威力，由所見起念，所念豈不佛加威力乎！故承佛威力云：「唯然」。

○今日世尊住奇特之法；……今日天尊行如來之德；（以下糅合《佛說無量壽經甄解》）

初句是總，言「今日世尊」，表別所念簡餘佛，故云：「今日」，下餘句例爾，佛所住法超餘人，世所無，故名「奇特法」。後四是別，於別中，初句（世雄所住）自德，即是涅槃，諸佛同住，故云「佛所住」，於世為雄猛，故名「世雄」；次句（世眼導師）利他，謂四攝等，住此法故，導人見正道，故名「世眼」；第三句（世英最勝）自德，即是菩提，住此無上菩提最勝道，能知諸佛之德，于世英勝，故名「世英」；第四句（天尊行德）是利他，所謂十力、四無畏、十八不共、五眼六通、四無礙等功德，云「如來德」，行之度物，

五天中上，故名「天尊」。「世雄」等四是「世尊」異名也。

○「奇特之法」

＊《華嚴經·離世間品》云：「菩薩摩訶薩有十種奇特想，何等為十？所謂：於一切善根

生自善根想；於一切善根生菩提種子想；於一切眾生生菩提器想；於一切願生自願想；於一切法生出離想；於一切行生自行想；於一切法生佛法想；於一切語言法生語言道想；於一切佛生慈父想；於一切如來生無二想。是為十。若諸菩薩安住此法，則得無上善巧想。」

○佛言：善哉阿難！所問甚快。

「甚快」者，《廣韻》曰：「快，稱心也，可也。」即所問稱可佛心，故云「所問甚快」也。

○以一餐之力，能住壽命億百千劫，無數無量，復過於此。

《唐譯》云：「阿難！如來應正等覺，欲樂住世，能於食頃，住無量無數百千億那由他劫，

若復增過如上數量，而如來身及以諸根無有增減。」

《維摩詰經》香積佛品第十云：「勿以聲聞小德、小智稱量如來無量福慧。四海有竭，此飯無盡。使一切人食搏若須彌，乃至一劫，猶不能盡。所以者何。無盡戒、定、智慧、解脫、解脫知見功德具足者，所食之餘，終不可盡。」

※阿彌陀佛因地修行所依止之勝緣：

一、遠緣：阿彌陀佛因地不僅與諸佛緣深，而且依止諸佛作為成就彌陀淨土因果的緣起，如經文列出五十三佛，即從最初的錠光佛到最後的處世佛。而且在大通智勝佛時，為十六菩薩沙彌之一。《法華經》化城喻品云：「是十六菩薩沙彌，甚為希有，諸根通利，智慧明了。已曾供養無量千萬億數諸佛。於諸佛所，常修梵行，受持佛智，開示眾生，令入其中。」

二、近緣：依止世自在王如來。

○如來、應供、等正覺、明行足、善逝、世間解、無上士、調御丈夫、天人師、佛、世尊。

※佛陀十種通號：

- 一、如來：如者：不變之體。來者：隨化之用，為度化眾生，而示現之妙色身也。
- 二、應供：能受九法界供養，而三輪體空，受不可思議妙樂。
- 三、等正覺：即正徧知。凡夫顛倒執有，二乘但證徧空，惟佛能正徧而知一切諸法。
- 四、明行足：明是慧，行是福。福慧圓滿，二嚴具足。
- 五、善逝、世間解：生滅既滅，證入涅槃，為善逝。能解世間一切事理，名世間解。
- 六、無上士：菩薩雖稱大士而有上，佛能淨盡無明，圓顯法身，故稱無上士。
- 七、調御丈夫：佛能慈悲攝受、威德折伏剛強難化之眾生，故稱調御丈夫。
- 八、天人師：佛為人間天上之導師。
- 九、佛：自覺、覺他、覺行圓滿。
- 十、世尊：世間六道凡夫，出世三乘聖賢，於過、現、未來三世，皆沐佛恩，故名世尊。